



AN COIMISIÚN
EORPACH

An Bhruiséil, 12.5.2014
COM(2014) 258 final

ANNEXES 1 to 7

IARSCRÍBHINNÍ

a ghabhann le

Togra le haghaidh

RIALACHÁIN Ó PHARLAIMINT NA hEORPA AGUS ÓN gCOMHAIRLE

maidir le fearais a dhóinn breoslaí gásacha

{SWD(2014) 150 final}

{SWD(2014) 151 final}

IARSCRÍBHINN I

CEANGLAIS RIACHTANACHA

RÉAMHBHARÚLACHA:

1. Na ceanglais riachtanacha atá leagtha síos sa Rialachán seo, tá siad éigeantach.
2. Tá na ceanglais riachtanacha le léirmhíniú agus le cur i bhfeidhm ar shlí a chuirfidh san áireamh an úrnuacht agus na cleachtais a bhí ann tráth an dheartha agus an mhonaraithe, chomh maith le gnéithe teicniúla agus eacnamaíocha atá comhsheasmhach le leibhéal ard éifeachtúlachta fuinnimh, chosaint na sláinte agus na sábháilteachta.

1. CEANGLAIS GHINEARÁLTA

1.1. Is amhlaidh a dhearf ar agus a thógfar fearais ionas go n-oibreoidh siad go sábháilte agus nach baol iad do dhaoine, d'ainmhithe clóis ná do mhaoín nuair a úsáidtear ar ghnáthbhealach iad ar an leibhéal feidhmíochta inmhiannaithe.

Dearfar agus tógfar feistis ionas go gcomhlíonfaidh siad an cuspóir ar beartaíodh iad chuige nuair a chuirtear isteach i bhfearas iad nó nuair a chóimeáiltear i bhfearas den sórt sin iad.

1.2. Tá an monaróir faoi oibleagáid chun anailís a dhéanamh ar na rioscaí d'fhonn na cinn a bhaineann lena fhearas nó a fheistias a aithint. Ansin déanfaidh sé é a dhearadh agus a thógáil agus an anailís sin á cur san áireamh aige.

1.3. Agus na réitigh is iomchuí á roghnú acu, cuirfidh monaróir fearais nó feistis i bhfeidhm na prionsabail atá leagtha amach thíos, san ord seo a leanas:

- (a) rioscaí a dhíchur nó a laghdú a mhéid is féidir (dearadh agus tógáil atá sábháilte iontu féin);
- (b) na bearta cosanta is gá a dhéanamh i ndáil le rioscaí nach féidir a dhíchur;
- (c) úsáideoirí a chur ar an eolas faoi na rioscaí iarmharacha i ngeall ar aon lochtanna sna bearta cosanta a glacadh agus a léiriú cé acu an gá aon réamhchúraimí ar leith .

1.4. Agus an fearas á dhearadh agus á thógáil aige, agus nuair a bheidh na treoracha á ndréachtú aige, réamhbheartóidh an monaróir ní amháin don úsáid atá beartaithe don fhearas, ach freisin do na húsáidí atá insamhlaithe go réasúnta.

1.5. Nuair a chuirfear ar an margadh é, beidh le gach fearas:

- (a) treoracha teicniúla atá ceaptha don suiteálaí;
- (b) treoracha don úsáid agus do sheirbhísiú, atá ceaptha don úsáideoir;
- (c) fógraí rabhaidh iomchuí, a bheidh ar an bpacáistiú freisin.

Beidh na treoracha agus na fógraí rabhaidh i dteanga is féidir leis na tomhaltóirí agus leis na húsáideoirí deiridh eile a thuiscint, arna chinneadh ag an mBallstát lena mbaineann.

1.6.1. Sna treoracha teicniúla atá ceaptha don suiteálaí beidh na treoracha uile don suiteáil, don choigeartú agus don seirbhísiú is gá lena áirithiú gur cuireadh na hoibríochtaí i gcrích i gceart agus gur féidir an fearas a úsáid go sábháilte.

Sna treoracha le haghaidh suiteála freisin beidh faisnéis ar shonraíochtaí teicniúla an idirghníomhaithe idir an fearas agus a thimpeallacht suiteála, rud a cheadóidh é a nascadh i

gceart leis an líonra soláthair gáis, leis an soláthar fuinnimh chúnta, an soláthar aeir dócháin agus le córas aslonnaithe gáis an mhúcháin.

1.6.2. Sna treoracha úsáide agus um sheirbhísiú atá ceaptha don úsáideoir beidh an fhaisnéis uile is gá don úsáid shábháilte, agus go háirithe tarraingeadh siad aird an úsáideora ar aon srianta ar úsáid.

Cuirfidh monaróir an fhearais sna treoracha a ghabhann leis an bhfearas an fhaisnéis go léir is gá maidir le coigeartú, oibriú agus cothabháil na bhfeisteas mar chuid den fhearas críochnaithe, de réir mar is cuí.

1.6.3. Luafaidh na fógraí rabhaidh ar an bhfearas agus ar a phacáistiú go soiléir an cineál gáis a úsáidtear, brú an tsoláthar gáis, an catagóir fearas agus aon srianta ar úsáid, go háirithe an srian ar dá réir nach suiteálfar an fearas ach amháin i limistéir ina bhfuil go leor aerála d'fhonn a áirithiú go n-íoslaghdófar na rioscaí a bhaineann leis.

1.7. Déanfar na treoracha um chur isteach nó cóimeáil, coigeartú, oibriú agus cothabháil a chur ar fáil leis na feistis lena mbaineann mar chuid de dheimhniú comhréireachta an fheistis.

2. ÁBHAIR

2.1. Beidh ábhair le haghaidh fearas nó feisteas oiriúnach don chuspóir dá bhfuil siad beartaithe agus seasfaidh siad na dálaí ceimiceacha, meicniúla agus teirmeacha a mbeidh siad faoina réir go hintuartha.

2.2. Ráthóidh monaróir nó soláthraí na n-ábhar airíonna na n-ábhar atá tábhachtach don tsábháilteacht.

3. DEARADH AGUS TÓGÁIL

Na hoibleagáidí le haghaidh fearas a eascraíonn as na ceanglais riachtanacha a leagtar amach maidir leis an bpointe seo, beidh feidhm leo i dtaca le feistis, chomh fada agus is ábhartha.

3.1. Ginearálta

3.1.1. Déanfar fearais a dhearadh agus a thógáil ar shlí nach dtarlóidh aon éagobhsaíocht, saobhadh, briseadh ná caitheamh ar dócha go ndéanfaidís dochar dá sábháilteacht, nuair a bhaintear gnáthúsáid astu.

3.1.2. Comhdhlúthú a tháirgtear ag an tosú agus/nó le linn úsáide, ní dhéanfaidh sé aon difear do shábháilteacht na bhfearas.

3.1.3. Déanfar fearais a dhearadh agus a thógáil ar shlí go n-íoslaghdófar an baol pléasccha i gcás dóiteáin de thionscnamh seachtrach.

3.1.4. Déanfar fearais a dhearadh agus a thógáil ar shlí a chinnteoidh nach dtarlóidh treá uisce ná treá míchuí aeir isteach sa chiorcad gáis.

3.1.5. I gcás gnáthluaineachta fuinnimh thánaistigh, leanfaidh fearais ar aghaidh ag feidhmiú go sábháilte.

3.1.6. Ní bheidh staid neamhshábháilte de thoradh ar luaineachtaí neamhghnácha fuinnimh nó teip fuinnimh thánaistigh ná ar a athchóiriú.

3.1.7. Déanfar fearais a dhearadh agus a thógáil sa tslí is go dtiocfar roimh aon rioscaí a bhaineann le gás i ngeall ar ghuaiseacha de thionscnamh leictreach. Chomh fada agus is ábhartha, déanfar torthaí an mheasúnaithe comhréireachta i ndáil le ceanglais sábháilteachta

Threoir 1999/5/CE ó Pharlaimint na hEorpa agus ón gComhairle¹ maidir le trealamh raidió nó le cuspóirí sábháilteachta Threoir 2006/95/EC ó Pharlaimint na hEorpa agus ón gComhairle a bhaineann le trealamh leictreach a dearadh lena úsáid laistigh de theorainneacha áirithe voltais² a chur san áireamh.

3.1.8. Ní mór fearais a dhearadh agus a thógáil sa tslí is go dtiocfar roimh aon rioscaí a bhaineann le gás i ngeall ar fheiniméin leictreamaighnéadacha. Chomh fada agus is ábhartha, déanfar torthaí an mheasúnaithe comhréireachta i dtaca le ceanglais chomhoiriúnacht leictreamaighnéadach Threoir 1999/5/CE nó Threoir 2004/108/CE ó Pharlaimint na hEorpa agus ón gComhairle maidir le comhoiriúnacht leictreamaighnéadach³ a chur san áireamh.

3.1.9. Seasfaidh codanna brúcháirithe uile fearais na struis mheicniúla agus theirmeacha a bhfuil siad faoina réir gan aon dífhoirmiú a bhainfeadh den tsábháilteacht.

3.1.10. Déanfar fearais a dhearadh agus a thógáil sa tslí is nach mbeidh staid neamhshábháilte mar thoradh ar theip ar ghléas sábháilteachta, a rialaithe nó rialála.

3.1.11. Má tá fearas feistithe le feistí rialaithe agus le feistí sábháilteachta, ní chuirfidh feidhmiú na bhfeistí rialaithe feidhmiú na bhfeistí sábháilteachta ar ceal.

3.1.12. Gach cuid d'fhearais atá socraithe nó coigeartaithe ag céim an mhonaraithe agus nár cheart don úsáideoir nó don suiteálaí iad a ionramháil, cosnófar go hiomchuí iad.

3.1.13. Déanfar luamháin agus feistí rialaithe agus socraithe eile a mharcáil go soiléir agus tabharfar treoracha cuí chun cosc a chur le haon earráid ina bhfeidhmiú/n-úsáid. Dearfar iad sa tslí nach bhféadfar iad a oibriú de thaisme.

3.2. Gás neamhdhóite a scaoileadh

3.2.1. Déanfar fearais a dhearadh agus a thógáil sa tslí is nach mbeidh an ráta sceite gáis contúirteach.

3.2.2. Déanfar fearais a dhearadh agus a thógáil sa tslí is go dteorainneofar scaoileadh gáis ag aon chéim oibríochta d'fhonn carnadh contúirteach gáis neamhdhóite san fhearas a sheachaint.

3.2.3. Fearais a mbeartaítear iad a úsáid i spásanna agus i seomraí laistigh, déanfar iad a dhearadh agus a thógáil sa tslí is gcoscfar scaoileadh gáis neamhdhóite i ngach cás a d'fhéadfadh a bheith ina chúis le carnadh contúirteach gáis neamhdhóite i spásanna agus seomraí den sórt sin.

3.2.4. Fearais a dearadh agus a tógadh chun gás ina bhfuil comhábhair thocsaineacha a dhó, ní bheidh siad ina mbaol do shláinte daoine agus ainmhithe clóis a nochfar dóibh.

3.3. Adhaint

Déanfar fearais a dhearadh agus a thógáil sa tslí is go mbeidh adhaint agus athadhaint go réidh agus go n-áiritheofar tras-soilsiú, nuair a bhaintear gnáthúsáid astu.

¹ Treoir 1999/5/CE ó Pharlaimint na hEorpa agus ón gComhairle an 9 Márta 1999 maidir le trealamh raidió agus trealamh teirminéil teileachumarsáide agus le haitheantas frithpháirteach a gcomhréireachta (IO L 91, 7.4.1999, lch. 10).

² Treoir 2006/95/CE ó Pharlaimint na hEorpa agus ón gComhairle an 12 Nollaig 2006 maidir le comhfhogasú dhlíthe na mBallstát a bhaineann le trealamh leictreach a dearadh lena úsáid laistigh de theorainneacha áirithe voltais (IO L 374, 27.12.2006, lch. 10).

³ Treoir 2004/108/CE ó Pharlaimint na hEorpa agus ón gComhairle an 15 Nollaig 2004 maidir le comhfhogasú dhlíthe na mBallstát a bhaineann le comhoiriúnacht leictreamaighnéadach agus lena n-aisghairtear Treoir 89/336/CEEC (IO L 390, 31.12.2004, lch.24).

3.4. Dóchán

3.4.1. Déanfar fearais a dhearadh agus a thógáil sa tslí is go mbeidh an próiseas dócháin cobhsaí agus nach mbeidh tiúchan do-ghlactha de shubstaintí díobhálacha don tsláinte sna táirgí dócháin, nuair a bhaintear gnáthúsáid astu.

3.4.2. Déanfar fearais a dhearadh agus a thógáil sa tslí is nach mbeidh aon scaoileadh táirgí dócháin de thaisme, nuair a bhaintear gnáthúsáid astu.

3.4.3. Fearais atá ceangailte le múchán le táirgí dócháin a scaipeadh, déanfar iad a dhearadh agus a thógáil sa tslí is nach mbeidh aon scaoileadh táirgí dócháin i gcainníocht chontúirteach isteach sna spásanna nó na seomraí istigh lena mbaineann, faoi dhálaí neamhghnácha seoidirí.

3.4.4. Déanfar fearais a dhearadh agus a thógáil sa tslí is nach mbeidh siad ina gcúis le tiúchan substaintí atá díobhálach don tsláinte, amhail is gur dócha go mbeidís ina mbaol do shláinte daoine agus ainmhithe clóis a nochtar dóibh, nuair a bhaintear gnáthúsáid astu.

3.5. Úsáid réasúnach.

Ní mór fearais a dhearadh agus a thógáil sa tslí is go gcinnteofar úsáid réasúnach fuinnimh a léiríonn staid na teicneolaíochta agus gnéithe sábháilteachta á gcur san áireamh.

3.6. Teocht

3.6.1. Codanna d'fhearais a bhfuil sé beartaithe iad a shuiteáil nó a chur i ngaireacht do dromchlaí, ní shroichfidh siad teocht a bheidh ina baol.

3.6.2. Teocht dromchla na gcodanna fearas a mbeartaítear iad a láimhseáil i rith gnáthúsáide, ní bheidh sí ina baol don úsáideoir.

3.6.3. Teocht dromchla na gcodanna seachtracha d'fhearais, cé is moite de dhromchlaí nó de chodanna a bhfuil baint acu le tarchur teasa, ní bheidh siad ina mbaol do dhaoine neamhchosanta faoi dhálaí oibriúcháin agus go háirithe do leanaí agus do dhaoine scothaosta, a bhfuil am cuí le frithghníomhú le cur san áireamh ina leith.

3.7. Teagmháil le bia agus uisce a cheaptar lena gcaitheamh ag an duine

Gan dochar do Rialachán (CE) Uimh. 1935/2004 ó Pharlaimint na hEorpa agus ón gComhairle⁴ maidir le hábhair agus nithe teagmhála bia agus Rialachán (AE) Uimh. 305/2011 ó Pharlaimint na hEorpa agus ón gComhairle⁵ maidir le táirgí foirgníochta, ábhair agus páirteanna a úsáidtear i dtógáil fearais, a fhéadfaidh a bheith i dteagmháil le bia nó le huisce a cheaptar lena gcaitheamh ag an duine mar a shainítear in Airteagal 2 de Threoir 98/83/CE ón gComhairle maidir le cáilíocht an uisce atá ceaptha lena chaitheamh ag an duine⁶, ní dhéanfaidh siad dochar do cháilíocht an bhia nó an uisce.

⁴ Rialachán (CE) Uimh. 1935/2004 ó Pharlaimint na hEorpa agus ón gComhairle an 27 Deireadh Fómhair 2004 maidir le hábhair agus nithe a bheartaítear a bheith i dtadhall le bia agus lena n-aisghairtear Treoracha 80/590/CEE agus 89/109/CE (IO L 338, 13.11.2004, lch. 4).

⁵ Rialachán (AE) Uimh. 305/2011 ó Pharlaimint na hEorpa agus ón gComhairle an 9 Márta 2011 lena leagtar síos coinníollacha comhchuibhithe maidir le táirgí foirgníochta a mhargú agus lena n-aisghairtear Treoir 89/106/CEE ón gComhairle (IO L 88, 4.4.2011, lch.5).

⁶ Treoir 98/83/CE ón gComhairle an 3 Samhain 1998 maidir le cáilíocht uisce atá ceaptha le hól ag daoine (IO L 330, 5.12.98, lch. 32).

IARSCRÍBHINN II

ÁBHAR CHUMARSÁID NA mBALLSTÁT MAIDIR LE COINNÍOLLACHA AN tSOLÁTHAIR GHÁIS

- (1) I gcumarsáid na mBallstát chuig an gCoimisiún agus chuig na Ballstáit eile dá bhforáiltear in Airteagal 4 beidh an t-ábhar seo a leanas:
- (a) (i) Oll-luach Calrach (GCV) i MJ/m³ Uasmhéid Íosmhéid;
(ii) Innéacs Wobbe i MJ/m³ Uasmhéid Íosmhéid.
 - (b) Comhdhéanamh Gáis de réir toirte i % den ábhar iomlán:
 - Cion C1 go C5 i % (suim) Uasmhéid Íosmhéid;
 - Cion N₂ + CO₂ i % Uasmhéid Íosmhéid;
 - Cion CO i % ; Uasmhéid Íosmhéid;
 - HC Neamhsháithithe Uasmhéid Íosmhéid;
 - Cion Hidrigine i % ; Uasmhéid Íosmhéid;
 - (c) Eolas faoi chomhpháirteanna tocsaineacha atá sa bhreosla gásach
Sa chumarsáid freisin beidh ceann díobh seo a leanas:
 - (a) Brú an tSoláthair ag inraon na bhfearais in mbar:
Ainmniúil/Uasmhéid/Íosmhéid;
 - (b) (i) Brú an tSoláthair ag an bpointe seachadta in mbar:
Ainmniúil/Uasmhéid/Íosmhéid;
(ii) Caillteanas brú atá inghlactha i suiteáil gáis an úsáideora deiridh i mbar: Ainmniúil/Uasmhéid/Íosmhéid.
- (2) Is iad seo a leanas a bheidh mar choinníollacha tagartha don Innéacs Wobbe agus d'Oll-luach Calrach:
- (a) Teocht thagartha dócháin: 15°C;
 - (b) Teocht thagartha thomhas toirte: 15°C;
 - (c) Brú thagartha thomhas toirte: 1013,25 mbar.

IARSCRÍBHINN III

NÓSANNA IMEACHTA UM MEASÚNÚ COMHRÉIREACHTA D'FHEARAI AGUS d'FHEISTIS

1. MODÚL B: SCRÚDÚ CINEÁIL AN AE – CINEÁL TÁIRGTHE

1.1. Scrúdú cineáil an AE, sin an chuid de nós imeachta measúnaithe comhréireachta ina scrúdaíonn comhlacht dá dtugtar fógra dearadh teicniúil fearais nó feistis agus go bhfíoraíonn agus go bhfianaíonn sé go gcomhlíonann dearadh teicniúil an fhearais nó an fheistis ceanglais an Rialacháin seo.

1.2. Déantar scrúdú cineáil an AE trí mheasúnú a dhéanamh ar leordhóthanacht dhearadh teicniúil an fhearais nó an fheistis trí scrúdú ar an doiciméadacht theicniúil agus an fhianaise tacaíochta dá dtagraítear i bpointe 1.3, chomh maith le scrúdú ar eiseamal, atá ina ionadaí ar an táirgeadh atá beartaithe, den fhearas iomlán nó den fheisteas (cineál táirgthe).

1.3. Cuirfidh an monaróir isteach iarratas ar scrúdú cineáil an AE chuig comhlacht amháin dá dtugtar fógra dá rogha féin.

1.3.1. Beidh san iarratas na nithe seo a leanas:

- (a) ainm agus seoladh an mhonaróra agus, más é an t-ionadaí údaraithe a chuireann isteach an t-iarratas, a ainm agus a sheoladh freisin,
- (b) dearbhú i scríbhinn nár cuireadh an t-iarratas céanna isteach chuig aon chomhlacht eile dá dtugtar fógra,
- (c) an doiciméadacht theicniúil. Fágfaidh an doiciméadacht theicniúil go bhféadfar measúnú a dhéanamh ar chomhréireacht an fhearais nó an fheistis le ceanglais infheidhme an Rialacháin seo agus beidh ann anailís agus measúnú leordhóthanach ar an riosca (na rioscaí). Sonróidh an doiciméadacht theicniúil na ceanglais agus an cumhdach is infheidhme, chomh fada agus is ábhartha do mheasúnú, dearadh, monarú agus oibriú an fhearais nó an fheistis. Beidh sa doiciméadacht theicniúil, más infheidhme, na heilimintí seo a leanas ar a laghad:
 - (1) cur síos ginearálta ar an bhfearas nó ar an bhfeisteas;
 - (2) dearadh coincheapúil agus líníochtaí agus scéimeanna monaraíochta na gcomhpháirteanna, na bhfo-chóimeálacha, na gciordad, etc.;
 - (3) an cur síos agus na mínithe is gá do thuiscint ar na líníochtaí agus na scéimeanna sin agus ar oibriú an fhearais nó an fheiste;
 - (4) liosta de na caighdeáin chomhchuibhithe agus/nó na sonraíochtaí teicniúla ábhartha eile ar foilsíodh a gcuid tagairtí in *Iris Oifigiúil an Aontais Eorpaigh*, atá i bhfeidhm go hiomlán nó go páirteach, agus cur síos ar na réitigh arna nglacadh chun freastal ar cheanglais sábháilteachta riachtanacha an Rialachán seo i gcás nár cuireadh na caighdeáin chomhchuibhithe i bhfeidhm. I gcás caighdeáin chomhchuibhithe a bheith i bhfeidhm go páirteach, sonróidh an doiciméadacht theicniúil na codanna a cuireadh i bhfeidhm;
 - (5) torthaí na ríomhaireachtaí a rinneadh, scrúduithe a rinneadh, etc;
 - (6) tuarascálacha tástála;
 - (7) na heiseamail atá ionadaíoch ar an táirgeadh atá beartaithe. Féadfaidh an comhlacht dá dtugtar fógra eiseamal bhreise a iarraidh nuair is gá sin chun an clár tástála a chur i gcrích;
 - (8) an fhianaise tacaíochta do leordhóthanacht an réitigh maidir le dearadh teicniúil. Luafaidh an fhianaise tacaíochta aon doiciméid a úsáideadh, go háirithe i gcás nár cuireadh na caighdeáin ábhartha chomhchuibhithe agus/nó na sonraíochtaí teicniúla i bhfeidhm ina n-iomláine. Áireofar ar an bhfianaise tacaíochta, nuair is gá, torthaí na dtástálacha a rinne saotharlann iomchuí an mhonaróra, nó saotharlann tástála eile thar a cheann agus faoina fhreagracht.
 - (9) teoracha maidir le suiteáil agus úsáid an fhearais.
 - (10) deimhniú comhréireachta an Fheistis ina bhfuil na teoracha conas ba cheart an feisteas a chur isteach i bhfearas nó a chóimeáil chun fearas den sórt sin a dhéanamh.

1.3.2. I gcás inarb iomchuí, beidh sa doiciméadacht um dhearadh na heilimintí a leanas:

- (a) an deimhniú ar scrúdú cineáil an AE agus deimhniú comhréireachta an Fheistis a bhaineann leis na feistis arna gcur isteach san fhearas;
- (b) fianuithe agus deimhnithe a bhaineann le modhanna monaraíochta agus/nó cigireacht agus/nó faireachán a dhéanamh ar an bhfearas nó ar an bhfeisteas;
- (c) aon doiciméad eile a fhágann go bhféadfaidh an comhlacht dá dtugtar fógra a mheasúnú a fheabhsú.

1.4. Déanfaidh an comhlacht dá dtugtar fógra an méid seo a leanas:

Le haghaidh an fhearais nó an fheistis:

1.4.1 . an doiciméadacht theicniúil agus an fhianaise tacaíochta a scrúdú chun fóntacht dhearadh teicniúil an fhearais nó an fheistis a mheasúnú.

Le haghaidh an eiseamail/na n-eiseamal:

1.4.2 . a fhíorú gur monaraíodh an t-eiseamal/na heiseamail i gcomhréir leis an doiciméadacht theicniúil, agus na gnéithe a aithint a dearadh i gcomhréir leis na forálacha is infheidhme ar na caighdeáin chomhchuibhithe ábhartha agus/nó na sonraíochtaí teicniúla, mar aon leis na heilimintí a dearadh gan forálacha ábhartha na gcaighdeáin sin a chur i bhfeidhm;

1.4.3. scrúduithe agus tástálacha iomchuí a dhéanamh, nó a shocrú, lena sheiceáil cé acu ar cuireadh i bhfeidhm i gceart iad sa chás gur roghnaigh an monaróir na réitigh sna caighdeáin chomhchuibhithe ábhartha agus/nó na sonraíochtaí teicniúla a chur i bhfeidhm;

1.4.4. scrúduithe agus tástálacha iomchuí a dhéanamh, nó iad a shocrú, lena sheiceáil cibé ar chomhlíon na réitigh a ghlac an monaróir ceanglais riachtanacha chomhfhreagracha an Rialacháin seo sa chás nár cuireadh na réitigh sna caighdeáin chomhchuibhithe ábhartha agus/nó na sonraíochtaí teicniúla i bhfeidhm;

1.4.5. a aontú leis an monaróir ar shuíomh ina ndéanfar na scrúduithe agus tástálacha.

1.5. Ullmhóidh an comhlacht dá dtugtar fógra tuarascáil mheastóireachta a chláraíonn na gníomhaíochtaí a rinneadh i gcomhréir le pointe 1.4 agus a dtorthaí. Gan dochar dá oibleagáidí i leith na n-údarás a thugann fógra, ní scaoilfidh an comhlacht dá dtugtar fógra ábhar na tuarascála sin, go hiomlán nó go páirteach, ach amháin le comhaontú an mhonaróra.

1.6. I gcás go gcomhlíonann an fearas nó an feisteas ceanglais an Rialacháin seo, eiseoidh an comhlacht dá dtugtar fógra deimhniú ar scrúdú cineáil an AE chuig an monaróir. Beidh sa deimhniú ainm agus seoladh an mhonaróra, conclúidí an scrúdaithe, na coinníollacha (más ann dóibh) le haghaidh a bhailíochta, na sonraí is gá chun an cineál formheasta a aithint agus, más ábhartha, cur síos ar a fheidhmiú. Féadfaidh iarscríbhinn amháin nó níos mó a bheith ceangailte leis an deimhniú.

Beidh sa deimhniú agus ina iarscríbhinní gach faisnéis ábhartha ar a bhféadfar comhréireacht fearas nó feisteas monaraithe leis an gcineál a scrúdaíodh a mheas agus chun deis a thabhairt do rialú inseirbhíse.

Beidh uastréimhse bailíochta deich mbliana ó dháta a eisiúna ag an deimhniú. I gcás nach gcomhlíonann an cineál ceanglas infheidhme an Rialacháin seo, diúltóidh an comhlacht dá dtugtar fógra deimhniú ar scrúdú cineáil an AE a eisiúint agus cuirfidh sé é sin in iúl don iarratasóir, agus tabharfaidh sé cúiseanna mionsonraithe lena dhiúltú.

1.7. Coinneoidh an comhlacht dá dtugtar fógra é féin ar an eolas faoi aon athruithe ar staid na teicníochta lena nglactar go ginearálta a léiríonn gur féidir nach gcomhlíonann an cineál formheasta a thuilleadh ceanglais infheidhme an Rialacháin seo, agus cinnfidh sí cibé an gá

imscrúdú breise de bharr athruithe den sórt sin. Más amhlaidh atá, cuirfidh an comhlacht dá dtugtar fógra an monaróir ar an eolas dá réir sin.

Cuirfidh an monaróir an comhlacht dá dtugtar fógra agus a bhfuil an doiciméadacht theicniúil a bhaineann leis an deimhniú ar scrúdú cineáil an AE aige na modhnuithe uile ar an gcineál formheasta a d'fhéadfadh difear a dhéanamh do chomhréireacht an fhearas nó an fheiste le ceanglais riachtanacha an Rialacháin seo nó do choinníollacha bailíochta an deimhnithe. Éileoidh modhnuithe den sórt sin formheas breise i bhfoirm breise a chur leis an mbundeimhniú ar scrúdú cineáil an AE.

1.8. Gach comhlacht dá dtugtar fógra, cuirfidh sé a údaráis a thugann fógra agus na comhlachtaí eile dá dtugtar fógra ar an eolas faoi na deimhnithe ar scrúdú cineáil an AE agus/nó aon chinn bhreise d'eisigh sé.

An comhlacht dá dtugtar fógra a dhiúltóidh deimhniú ar scrúdú cineáil an AE a eisiúint nó a tharraingt siar, nó a chuireann ar fionraí nó shrianann ar shlí eile é, cuirfidh sé é sin in iúl do na húdaráis a thugann fógra agus do na comhlachtaí dá dtugtar fógra eile dá réir, agus tabharfaidh sé cúiseanna lena chinneadh.

Féadfaidh an Coimisiún, na Ballstáit agus na comhlachtaí eile dá dtugtar fógra, ar iarratas, cóip a fháil de na deimhnithe ar scrúdú cineáil an AE agus/nó na cinn bhreise a ghabhann leis. Arna iarraidh sin, féadfaidh an Coimisiún agus na Ballstáit cóip den doiciméadacht theicniúil agus de thorthaí na scrúduithe a rinne an comhlacht dá dtugtar fógra a fháil. An comhlacht dá dtugtar fógra, coinneoidh sé cóip den deimhniú ar scrúdú cineáil an AE, dá iarscríbhinní agus breisithe, chomh maith leis an gcomhad teicniúil lena n-áirítear an doiciméadacht a thíolaic an monaróir, go dtí go dtéann bailíochta an deimhnithe as feidhm.

1.9. Coinneoidh an monaróir cóip den deimhniú ar scrúdú cineáil an AE, a iarscríbhinní agus a bhreiseanna mar aon leis an doiciméadacht theicniúil ar fáil do na húdaráis náisiúnta ar feadh 10 mbliana tar éis an fearas nó an feisteas a chur ar an margadh.

1.10. Féadfaidh ionadaí údaraithe an mhonaróra an t-iarratas dá dtagraítear i bpointe 1.3 a chur isteach agus na hoibleagáidí atá leagtha amach i bpointí 1.7 agus 1.9 a chomhlíonadh, ar choinníoll go sonraítear sa sainordú iad.

2. MODÚL C2: CINEÁL-CHOMHRÉIREACHT ARNA BUNÚ AR RIALÚ INMHEÁNACH TÁIRGTHE MÓIDE SEICEÁLACHA AR FHEARAS NÓ AR FHEISTIS FAOI MHAOIRSEACHT AG EATRAIMH RANDAMACHA

2.1. Cineál-chomhréireacht arna bunú ar rialú inmheánach táirgthe móide seiceálacha ar fhearais nó ar fheistis faoi mhaoirseacht ag eatraimh randamacha, sin an chuid de nós imeachta um measúnú comhréireachta ina gcomhlíonann an monaróir na hoibleagáidí a leagtar síos i bpointí 2.2 agus 2.3 agus pointe 2.4 nó 2.5, agus ina n-áirithíonn sé agus a fhógraíonn sé ar a fhreagracht féin amháin go bhfuil na fearais nó na feistis lena mbaineann i gcomhréir leis an gcineál a thuairiscítear sa deimhniú ar scrúdú cineáil an AE agus go gcomhlíonann siad ceanglais an Rialacháin seo.

2.2. Monaraíocht

Déanfaidh an monaróir gach beart is gá ionas go n-áiritheoidh an próiseas monaraíochta agus a fhaireachán comhréireacht na bhfearas nó na bhfeisteas monaraithe leis an gcineál a thuairiscítear sa deimhniú ar scrúdú cineáil an AE agus le ceanglais an Rialacháin seo.

2.3. Seiceálacha fearas nó feisteas

Comhlacht dá dtugtar fógra, arna roghnú ag an monaróir, déanfaidh sé seiceálacha fearas nó feisteas nó eagróidh siad iad ag eatraimh de bhliain amháin nó níos lú, d'fhonn caighdeán na

seiceálacha inmheánacha ar an bhfearas a fhíorú, ag cur san áireamh, *inter alia*, castacht teicneolaíochta na bhfearas nó na bhfeisteas agus cainníocht an táirgthe. Scrúdfar sampla leordhóthanach de na fearais nó na feistis deiridh a ghlac an comhlacht dá dtugtar fógra ar an láthair sular cuireadh ar an margadh iad, agus déanfar tástálacha iomchuí a aithnítear sna codanna ábhartha de na caighdeáin chomhchuibhithe agus/nó sonraíochtaí teicniúla, nó tástálacha comhionanna, a chur i gcrích d'fhonn a sheiceáil go gcomhlíonann an fearas nó an feisteas ceanglais ábhartha an Rialacháin seo. I gcás nach gcomhlíonann an sampla an leibhéal cáilíochta atá inghlactha, déanfaidh an comhlacht dá dtugtar fógra bearta iomchuí chun cosc a chur leis na fearais nó na feistis lena mbaineann a chur ar an margadh.

Tá sé i gceist go gcinneadh an nós imeachta samplála atá le cur i gcrích cibé an gcomhlíonann próiseas monaríochta an fhearais nó an fheiste laistigh de theorainneacha inghlactha, d'fhonn comhréireacht an fhearais nó an fheistis a áirithiú.

Déanfaidh an monaróir, faoi fhreagracht an chomhlachta dá dtugtar fógra, uimhir aitheantais an chomhlachta dá dtugtar fógra a ghreamú le linn an phróisis mhonaraithe.

2.4. An comhartha CE agus dearbhú comhréireachta an AE

2.4.1. Greamóidh an monaróir an comhartha CE agus na hinscríbhinní dá bhforáiltear in Iarscríbhinn IV ar gach fearas ar leith atá i gcomhréir leis an gcineál a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

2.4.2. Déanfaidh an monaróir dearbhú comhréireachta an AE i scríbhinn do gach múnla fearais a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an fearas a chur ar an margadh. Aithneoidh dearbhú comhréireachta an AE múnla an fhearais dar tarraingíodh suas é.

Déanfar cóip de dhearbhu comhréireachta an AE a chur ar fáil do na húdaráis ábhartha arna iarraidh sin.

2.5. Deimhniú comhréireachta an fheistis

2.5.1. Greamóidh an monaróir na hinscríbhinní dá bhforáiltear i bpointe 3 d'Iarscríbhinn IV ar gach feisteas ar leith atá i gcomhréir leis an gcineál a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

2.5.2. Déanfaidh an monaróir deimhniú comhréireachta scríofa an Fheistis d'eiseamal feistis a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an feisteas a chur ar an margadh. Aithneoidh deimhniú comhréireachta an Fheistis múnla an fheistis dar tarraingíodh suas é agus beidh sé ag gabháil leis an bhfeisteas.

2.6. Ionadaí údaráithe

Féadfaidh a ionadaí údaráithe oibleagáidí an mhonaróra atá leagtha amach i bpointe 2.4 nó 2.5 a chomhlíonadh, thar a cheann agus faoina fhreagracht, ar choinníoll go sonraítear sa sainordú iad.

3. MODÚL D: CINEÁL-CHOMHRÉIREACHT ARNA BUNÚ AR DHEARBHÚ CÁILÍOCHTA PHRÓISEAS AN TÁIRGTHE

3.1. Cineál-chomhréireacht arna bunú ar áirithiú cáilíochta phróiseas an táirgthe, sin an chuid de nós imeachta um measúnú comhréireachta ina gcomhlíonann an monaróir na hoibleagáidí a leagtar síos i bpointe 3.2 agus pointí 3.5 nó 3.6, agus ina n-áirithíonn sé agus a fhógraíonn sé ar a fhreagracht féin amháin go bhfuil na fearais nó na feistis lena mbaineann i gcomhréir leis

an gcineál a thuairiscítear sa deimhniú ar scrúdú cineáil an AE agus go gcomhlíonann siad ceanglais an Rialacháin seo a bhaineann leo.

3.2. Monaraíocht

Oibreoidh an monaróir córas cáilíochta formheasta le haghaidh táirgthe, cigireachta deiridh ar ionstraimí agus tástála na bhfearas nó na bhfeisteas atá i gceist mar a shonraítear i bpointe 3.3, agus beidh sé faoi réir faireachais mar atá sonraithe i bpointe 3.4.

3.3. Córas cáilíochta

3.3.1. Cuirfidh an monaróir isteach iarratas ar mheasúnú ar a chóras cáilíochta chuig a rogha comhlacht dá dtugtar fógra, le haghaidh na bhfearas nó na bhfeisteas lena mbaineann.

Beidh na nithe seo a leanas san iarratas:

- (a) ainm agus seoladh an mhonaróra agus, más é an t-ionadaí údairithe a chuireann isteach an t-iarratas, a ainm agus a sheoladh freisin,
- (b) dearbhú i scríbhinn nár cuireadh an t-iarratas céanna isteach chuig aon chomhlacht eile dá dtugtar fógra,
- (c) an fhaisnéis iomchuí go léir don fhearas nó don fheiste a formheasadh faoi mhodúl B,
- (d) an doiciméadacht a bhaineann leis an gcóras cáilíochta,
- (e) an doiciméadacht theicniúil ar an gcineál formheasta agus cóip den deimhniú ar scrúdú cineáil an AE.

3.3.2. Áiritheoidh an córas cáilíochta go bhfuil na fearais nó feistis i gcomhréir leis an gcineál a thuairiscítear sa deimhniú ar scrúdú cineáil an AE agus go gcomhlíonann siad ceanglais an Rialacháin seo a bhaineann leo.

Déanfar na heilimintí, na ceanglais agus forálacha uile arna nglacadh ag an monaróir a dhoiciméadú ar bhealach córasach, ordúil i bhfoirm beartas, nósanna imeachta agus treoracha scríofa. Ceadóidh an doiciméadacht um chóras cáilíochta léirmhíniú comhsheasmhach ar na cláir ardchaighdeáin, pleananna, lámhleabhair agus taifid.

Beidh ann, go háirithe, cur síos leordhóthanach ar:

- (a) na cuspóirí cáilíochta agus an struchtúr eagrúcháin, freagrachtaí agus cumhachtaí na bainistíochta maidir le cáilíocht na bhfearas;
- (b) na teicnící comhfhreagracha monaraíochta, um rialú cáilíochta agus dearbhú cáilíochta, próisis agus gníomhaíochtaí córasacha a úsáidfear;
- (c) na scrúduithe agus tástálacha a chuirfear i gcrích roimh mhonarú, lena linn agus dá éis, agus a mhinice a chuirfear i gcrích iad;
- (d) na taifid cháilíochta, amhail tuarascálacha cigireachta agus sonraí tástála, sonraí calabrúcháin, tuarascálacha cáilíochta ar an bpearsanra lena mbaineann, etc. agus
- (e) an tslí chun faireachán a dhéanamh ar an gcáilíocht riachtanach san fhearas agus oibriú éifeachtúil an chórais cháilíochta.

3.3.3. Measúnóidh an comhlacht dá dtugtar fógra an córas cáilíochta chun a chinneadh an gcomhlíonann sé na ceanglais dá dtagraítear i Roinn 3.2.

Toimhdeofar comhréireacht leis na ceanglais sin maidir le gnéithe an chórais cháilíochta a chomhlíonann sonraíochtaí comhfhreagracha an chaighdeáin náisiúnta a chuireann an caighdeán comhchuibhithe ábhartha agus/nó na sonraíochtaí teicniúla i gcrích.

Chomh maith le taithí i gcórais bhainistíochta cáilíochta, beidh ag an bhfoireann iniúchta ball amháin ar a laghad a bhfuil taithí ar mheastóireacht sa réimse fearas nó feisteas ábhartha agus sa teicneolaíocht fearas nó feisteas lena mbaineann, agus eolas ar cheanglais infheidhme an Rialacháin seo. Beidh cuairt measúnaithe chuig áitreabh an mhonaróra san áireamh san iniúchadh. Athbhreithneoidh an fhoireann iniúcháireachta an doiciméadacht theicniúil dá dtagraítear i bpointe 3.3.1(e), chun cumas an mhonaróra chun ceanglais ábhartha an Rialacháin seo a shainaithint, agus na scrúduithe is gá a chur i gcrích d'fhonn a áirithiú go gcomhlíonfaidh an fearas nó an feisteas na ceanglais sin, a fhíorú.

Tabharfar fógra don mhonaróir maidir leis an gcinneadh. Beidh san fhógra conclúidí an iniúchta agus an cinneadh measúnaithe réasúnaithe.

3.3.4. Gabhfaidh an monaróir ar láimh na hoibleagáidí a eascraíonn as an gcóras cáilíochta mar a formheasadh é a chomhlíonadh agus é a choimeád ar bun é ionas go mbeidh sé leordhóthanach, éifeachtúil.

3.3.5. Coinneoidh an monaróir an comhlacht dá dtugtar fógra a d'fhormheas an córas cáilíochta ar an eolas faoi aon athrú ar an gcóras cáilíochta atá beartaithe.

Déanfaidh an comhlacht dá dtugtar fógra meastóireacht ar aon athruithe atá molta agus cinnfidh sé cé acu an leanfaidh an córas cáilíochta modhnaithe leis na ceanglais dá dtagraítear i bpointe 3.3.2 a shásamh nó an bhfuil gá le hathmheasúnú.

Tabharfaidh sé fógra don mhonaróir faoina chinneadh. Beidh san fhógra conclúidí an scrúdaithe agus an cinneadh measúnaithe réasúnaithe.

3.4. Faireachas faoi fhreagracht an chomhlachta dá dtugtar fógra

3.4.1. Is é is cuspóir d'fhaireachas a áirithiú go gcomhlíonann an monaróir na hoibleagáidí a fhorchuirtear leis an gcóras bainistíochta cáilíochta formheasta.

3.4.2. Ceadóidh an monaróir, chun críocha measúnachta, don chomhlacht dá dtugtar fógra rochtain ar na suímh um monarú, iniúchadh, tástáil agus stóráil gus tabharfaidh sé gach faisnéis is gá, go háirithe:

- (a) doiciméadacht an chórais cháilíochta agus
- (b) na taifid cháilíochta, amhail tuarascálacha cigireachta agus sonraí tástála, sonraí calabrúcháin, tuarascálacha cáilíochta ar an bpearsanra lena mbaineann, etc. agus

3.4.3. Déanfaidh an comhlacht dá dtugtar fógra iniúchtaí tréimhsiúla uair sa dá bhliain ar a laghad chun a áirithiú go gcoimeádann an monaróir an córas cáilíochta agus go gcuireann sé i bhfeidhm é agus tabharfaidh sé tuarascáil iniúcháireachta son mhonaróir.

3.4.4. Ina theannta sin, féadfaidh an comhlacht dá dtugtar fógra cuairteanna gan choinne a thabhairt ar an monaróir. I rith na gcuariteanna sin, féadfaidh an comhlacht dá dtugtar fógra, más gá, tástálacha fearas nó feisteas a chur i gcrích, nó a eagrú go gcuirfear i gcrích iad, d'fhonn a fhíorú go bhfuil an córas cáilíochta ag feidhmiú i gceart. Tabharfaidh an comhlacht dá dtugtar fógra tuarascáil cuairte don mhonaróir agus, má cuireadh tástálacha i gcrích, tuarascáil tástála.

3.5. An comhartha CE agus dearbhú comhréireachta an AE

3.5.1. Greamóidh an monaróir an comhartha CE agus na hinscríbhinní dá bhforáiltear in Iarscríbhinn IV, agus, faoi fhreagracht an chomhlachta dá dtugtar fógra dá dtagraítear i bpointe 3.3.1, uimhir aitheantais an chomhlachta sin ar gach fearas ar leith atá i gcomhréir leis an gcineál a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

3.5.2. Déanfaidh an monaróir dearbhú comhréireachta an AE do gach fearas a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an fearas a chur ar an margadh. Aithneoidh dearbhú comhréireachta an AE múnla an fhearais dar tarraingíodh suas é.

Déanfar cóip de dhearbhu comhréireachta an AE a chur ar fáil do na húdaráis ábhartha arna iarraidh sin.

3.6. Deimhniú comhréireachta an fheistis

3.6.1. Greamóidh an monaróir na hinscríbhinní dá bhforáiltear i bpointe 3 d'Iarscríbhinn IV agus, faoi fhreagracht an chomhlachta dá dtugtar fógra dá dtagraítear i bpointe 3.3.1, uimhir aitheantais an chomhlachta sin ar gach feisteas ar leith atá i gcomhréir leis an gcineál a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

3.6.2. Déanfaidh an monaróir deimhniú comhréireachta an fheistis a tharraingt suas i scríbhinn agus é a choimeád ar fáil do na húdaráis náisiúnta ar feadh 10 mbliana tar éis an feisteas a chur ar an margadh. Aithneoidh deimhniú comhréireachta an fheistis múnla an fheistis dar tarraingíodh suas é agus beidh sé ag gabháil leis an bhfeisteas.

3.7. Coinneoidh an monaróir, ar feadh tréimhse dar críoch 10 mbliana ar a laghad tar éis an fearas nó an feisteas a chur ar an margadh, na nithe seo a leanas ar fáil do na húdaráis náisiúnta:

- (a) an doiciméadacht dá dtagraítear i bpointe 3.3.1,
- (b) an t-athrú dá dtagraítear i bpointe 3.3.5, mar a formheasadh é,
- (c) cinntí agus tuarascálacha an chomhlachta dá dtugtar fógra dá dtagraítear i bpointí 3.3.5, 3.4.3 agus 3.4.4.

3.8. Cuirfidh gach comhlacht dá dtugtar fógra in iúl dá údaráis a thugann fógra faoi fhormheasanna ar chórais cáilíochta a tarraingíodh siar, agus déanfaidh sé, go tráthrialta nó ar iarraidh, faisnéis a bhaineann le measúnuithe córas cáilíochta a chur ar fáil don údarás a thugann fógra.

Cuirfidh gach comhlacht dá dtugtar fógra in iúl do na comhlachtaí eile dá dtugtar fógra aon fhormheasanna córas cáilíochta a dhiúltaigh sé, a chuir sé ar fionraí, a tharraing sé siar nó a shrian sé ar shlí eile, agus tabharfaidh sé na cúiseanna lena chinneadh.

3.9. Ionadaí údaraithe

Féadfaidh a ionadaí údaraithe oibleagáidí an mhonaróra atá leagtha amach i bpointí 3.3.1, 3.3.5 agus pointe 3.5 nó 3.6 agus pointe 3.7 a chomhlíonadh, thar a cheann agus faoina fhreagracht, ar choinníoll go sonraítear sa sainordú iad.

4. MODÚL E: CINEÁL-CHOMHRÉIREACHT ARNA BUNÚ AR DHEARBHÚ CÁILÍOCHTA FEARAS NÓ FEISTEAS

4.1. Cineál-chomhréireacht arna bunú ar dhearbhu cáilíochta fearas nó feisteas, sin an chuid sin de nós imeachta um measúnú comhréireachta ina gcomhlíonann an monaróir na hoibleagáidí a leagtar síos i bpointí 4.2 agus pointí 4.5 nó 4.6, agus ina n-áirithíonn sé agus a fhógraíonn sé ar a fhreagracht féin amháin go bhfuil na fearais nó na feistis lena mbaineann i gcomhréir leis an gcineál a thuairiscítear sa deimhniú ar scrúdú cineáil an AE agus go gcomhlíonann siad ceanglais an Rialacháin seo a bhaineann leo.

4.2. Monaraíocht

Oibreoidh an monaróir córas cáilíochta formheasta do chigireacht deiridh ar fhearaí agus ar fheistis agus tástáil na bhfearas nó na bhfeisteas lena mbaineann mar a shonraítear i bpointe 4.3, agus beidh sé faoi réir faireachais mar atá sonraithe i bpointe 4.4.

4.3. Córas cáilíochta

4.3.1. Cuirfidh an monaróir isteach iarratas ar mheasúnú ar a chóras cáilíochta chuig a rogha comhlacht dá dtugtar fógra, do na fearaí nó feistis lena mbaineann.

Beidh na nithe seo a leanas san iarratas:

- (a) ainm agus seoladh an mhonaróra agus, más é an t-ionadaí údaráithe a chuireann isteach an t-iarratas, a ainm agus a sheoladh freisin,
- (b) dearbhú i scríbhinn nár cuireadh an t-iarratas céanna isteach chuig aon chomhlacht eile dá dtugtar fógra,
- (c) gach faisnéis ábhartha don chatagóir fearas atá beartaithe;
- (d) an doiciméadacht a bhaineann leis an gcóras cáilíochta, agus
- (e) an doiciméadacht theicniúil ar an gcineál formheasta agus cóip den deimhniú ar scrúdú cineáil an AE.

4.3.2. Áiríteoidh an córas cáilíochta go gcomhlíonann na fearaí nó na feistis an cineál a thuairiscítear sa deimhniú ar scrúdú cineáil an AE agus le ceanglais infheidhme an Rialacháin seo.

Déanfar na heilimintí, na ceanglais agus forálacha uile arna nglacadh ag an monaróir a dhoiciméadú ar bhealach córasach, ordúil i bhfoirm beartas, nósanna imeachta agus treoracha scríofa. Ceadóidh an doiciméadacht um chóras cáilíochta léirmhíniú comhsheasmhach ar na cláir ardchaighdeáin, pleananna, lámhleabhair agus taifid.

Beidh ann, go háirithe, cur síos leordhóthanach ar na nithe seo a leanas:

- (a) na cuspóirí cáilíochta agus an struchtúr eagrúcháin, freagrachtaí agus cumhachtaí na bainistíochta maidir le cáilíocht na bhfearas;
- (b) na scrúduithe agus tástálacha a bheidh le déanamh tar éis monaraithe;
- (c) na taifid cháilíochta, amhail tuarascálacha cigireachta agus sonraí tástála, sonraí calabrúcháin, tuarascálacha cáilíochta ar an bpearsanra atá i gceist, etc.;
- (d) an tslí chun faireachán a dhéanamh ar oibriú éifeachtach an chórais cháilíochta.

4.3.3. Measúnóidh an comhlacht dá dtugtar fógra an córas cáilíochta chun a chinneadh an gcomhlíonann sé na ceanglais dá dtagraítear i bpointe 4.3.2.

Toimheoidh sé comhréireacht leis na ceanglais sin maidir le gnéithe an chórais cháilíochta a chomhlíonann sonraíochtaí comhfhreagracha an chaighdeáin náisiúnta a chuireann an caighdeán comhchuibhithe ábhartha agus/nó na sonraíochtaí teicniúla i gcrích.

Chomh maith le taithí i gcórais bhainistíochta cáilíochta, beidh ag an bhfoireann iniúchta ball amháin ar a laghad a bhfuil taithí aige ar mheastóireacht sa réimse fearas nó feisteas ábhartha agus sa teicneolaíocht fearas nó feisteas lena mbaineann, agus eolas ar cheanglais infheidhme an Rialacháin seo. Beidh cuairt measúnaithe chuig áitreabh an mhonaróra san áireamh san iniúchadh. Athbhreithneoidh an fhoireann iniúchóireachta an doiciméadacht theicniúil dá dtagraítear i bpointe 4.3.1(e), chun cumas an mhonaróra chun ceanglais ábhartha an

Rialacháin seo a shainithint, agus na scrúduithe is gá a chur i gcrích d'fhonn a áirithiú go gcomhlíonfaidh an fearas nó an feisteas na ceanglais sin, a fhíorú.

Tabharfar fógra don mhonaróir maidir leis an gcinneadh. Beidh san fhógra conclúidí an iniúchta agus an cinneadh measúnaithe réasúnaithe.

4.3.4. Gabhfaidh an monaróir ar láimh na hoibleagáidí a eascraíonn as an gcóras cáilíochta mar a formheasadh é a chomhlíonadh agus é a choimeád ar bun é ionas go mbeidh sé leordhóthanach, éifeachtúil.

4.3.5. Coinneoidh an monaróir an comhlacht dá dtugtar fógra, agus a d'fhormheas an córas cáilíochta, ar an eolas faoi aon athrú ar an gcóras cáilíochta atá beartaithe.

Déanfaidh an comhlacht dá dtugtar fógra meastóireacht ar aon athruithe atá molta agus cinnfidh sé cé acu an leanfaidh an córas cáilíochta modhnaithe leis na ceanglais dá dtagraítear i bpointe 4.3.2 a shásamh nó an bhfuil gá le hathmheasúnú.

Tabharfaidh sé fógra don mhonaróir faoina chinneadh. Beidh san fhógra conclúidí an scrúdaithe agus an cinneadh measúnaithe réasúnaithe.

4.4. Faireachas faoi fhreagracht an chomhlachta dá dtugtar fógra

4.4.1. Is é is cuspóir d'fhaireachas a áirithiú go gcomhlíonann an monaróir na hoibleagáidí a fhorchuirtear leis an gcóras bainistíochta cáilíochta formheasta.

4.4.2. Ceadóidh an monaróir, chun críocha measúnachta, don chomhlacht dá dtugtar fógra rochtain ar na suímh um monarú, iniúchadh, tástáil agus stóráil gus tabharfaidh sé gach faisnéis is gá, go háirithe:

- (a) doiciméadacht an chórais cháilíochta;
- (b) na taifid cháilíochta, amhail tuarascálacha cigireachta agus sonraí tástála, sonraí calabrúcháin, tuarascálacha cáilíochta ar an bpearsanra lena mbaineann, etc. agus

4.4.3. Déanfaidh an comhlacht dá dtugtar fógra iniúchtaí tréimhsiúla uair sa dá bhliain ar a laghad chun a áirithiú go gcoimeádann an monaróir an córas cáilíochta agus go gcuireann sé i bhfeidhm é agus tabharfaidh sé tuarascáil iniúcháireachta don mhonaróir.

4.4.4. Ina theannta sin, féadfaidh an comhlacht dá dtugtar fógra cuairteanna gan choinne a thabhairt ar an monaróir. I rith na gcuairteanna sin, féadfaidh an comhlacht dá dtugtar fógra, más gá, tástálacha fearas nó feisteas a chur i gcrích, nó a eagrú go gcuirfear i gcrích iad, d'fhonn a fhíorú go bhfuil an córas cáilíochta ag feidhmiú i gceart. Tabharfaidh an comhlacht dá dtugtar fógra tuarascáil cuairte don mhonaróir agus, má cuireadh tástálacha i gcrích, tuarascáil tástála.

4.5. An comhartha CE agus dearbhú comhréireachta an AE

4.5.1. Greamóidh an monaróir an comhartha CE agus na hinscríbhinní dá bhforáiltear in Iarscríbhinn IV agus, faoi fhreagracht an chomhlachta dá dtugtar fógra dá dtagraítear i bpointe 4.3.1, uimhir aitheantais an chomhlachta sin ar gach fearas ar leith atá i gcomhréir leis an gcineál a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

4.5.2. Déanfaidh an monaróir dearbhú comhréireachta AE i scríbhinn do gach múnla fearais a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an fearas a chur ar an margadh. Aithneoidh dearbhú comhréireachta an AE múnla an fhearais dar tarraingíodh suas é.

Déanfar cóip de dhearbhu comhréireachta an AE a chur ar fáil do na húdaráis ábhartha arna iarraidh sin.

4.6. Deimhniú comhréireachta an fheistis

4.6.1. Greamóidh an monaróir na hinscríbhinní dá bhforáiltear i bpointe 3 d'Iarscríbhinn IV agus, faoi fhreagracht an chomhlachta dá dtugtar fógra dá dtagraítear i bpointe 4.3.1, uimhir aitheantais an chomhlachta sin ar gach feisteas ar leith atá i gcomhréir leis an gcineál a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

4.6.2. Déanfaidh an monaróir deimhniú comhréireachta scríofa an fheistis do gach múnla a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an feisteas a chur ar an margadh. Aithneoidh deimhniú comhréireachta an fheistis múnla an fheistis dar tarraingíodh suas é agus beidh sé ag gabháil leis an bhfeisteas.

4.7. Coinneoidh an monaróir, ar feadh tréimhse dar críoch 10 mbliana ar a laghad tar éis an fearas nó an feisteas a chur ar an margadh, na nithe seo a leanas uile ar fáil do na húdaráis náisiúnta:

- (a) an doiciméadacht dá dtagraítear i bpointe 4.3.1;
- (b) an t-athrú dá dtagraítear i bpointe 4.3.5, mar a formheasadh é,
- (c) cinntí agus tuarascálacha an chomhlachta dá dtugtar fógra dá dtagraítear i bpointí 4.3.5, 4.4.3 agus 4.4.4.

4.8. Cuirfidh gach comhlacht dá dtugtar fógra in iúl dá údaráis a thugann fógra faoi fhormheasanna ar chórais cáilíochta a eisíodh nó a tarraingíodh siar, agus déanfaidh sé, go tráthrialta nó ar iarraidh, liosta na bhformheasanna um chóras cáilíochta a diúltaíodh, a cuireadh ar fionraí nó a srianadh ar shlí eile a chur ar fáil dá údaráis a thugann fógra.

Cuirfidh gach comhlacht dá dtugtar fógra in iúl do na comhlachtaí eile dá dtugtar fógra na formheasanna maidir le córas cáilíochta a d'eisigh sé. Cuirfidh gach comhlacht dá dtugtar fógra in iúl do na comhlachtaí eile dá dtugtar fógra aon fhormheasanna maidir le córas cáilíochta a dhiúltaigh sé, a chuir sé ar fionraí nó a tharraing sé siar, agus tabharfaidh sé na cúiseanna lena chinneadh.

4.9. Ionadaí údaraithe

Féadfaidh a ionadaí údaraithe oibleagáidí an mhonaróra atá leagtha amach i bpointí 4.3.1, 4.3.5 agus 4.5 nó 4.6 agus pointe 4.7 a chomhlíonadh, thar a cheann agus faoina fhreagracht, ar choinníoll go sonraítear sa sainordú iad.

5. MODÚL F: CINEÁL-CHOMHRÉIREACHT ARNA BUNÚ AR FHÍORÚ FEARAS NÓ FEISTEAS

5.1. Cineál-chomhréireacht arna bunú ar fhíorú fearas nó feisteas, sin an chuid de nós imeachta um measúnú comhréireachta ina gcomhlíonann an monaróir na hoibleagáidí a leagtar síos i bpointí 5.2, 5.5.1 agus pointe 5.6 nó 5.7, agus ina n-áirithíonn sé agus a fhógraíonn sé ar a fhreagracht féin amháin go bhfuil na fearais nó na feistis lena mbaineann, a bhí faoi réir fhorálacha phointe 5.3, i gcomhréir leis an gcineál a thuairiscítear sa deimhniú ar a laghad agus go gcomhlíonann siad ceanglais an Rialacháin sin a bhaineann leo.

5.2. Monaraíocht

Déanfaidh an monaróir gach beart is gá ionas go n-áiritheoidh an próiseas monaraíochta agus a fhaireachán comhréireacht na bhfearas nó na bhfeisteas monaraithe leis an gcineál formheasta a thuairiscítear sa deimhniú ar scrúdú cineáil an AE agus le ceanglais uile an Rialacháin seo a bhaineann leo.

5.3. Fíorú

Comhlacht dá dtugtar fógra atá roghnaithe ag an monaróir, cuirfidh sé i gcrích cibé scrúduithe agus tástálacha is cuí, nó eagróidh sé iad, d'fhonn a sheiceáil go gcomhlíonann na fearais nó feistis an cineál formheasta a thuairiscítear sa deimhniú ar scrúdú cineáil an AE agus ceanglais iomchuí an Rialacháin seo.

Déanfar na scrúduithe agus tástálacha lena sheiceáil go gcomhlíonann na fearais nó feistis na ceanglais iomchuí a chur i gcrích, ar rogha an mhonaróra trí gach fearas nó feisteas a scrúdú agus a thástáil mar atá sonraithe i bpointe 5.4, sin nó na fearais nó feistis a scrúdú agus a thástáil ar bhonn staidrimh mar atá sonraithe i bpointe 5.5.

5.4. Fíorú comhréireachta trí gach fearas nó feisteas a scrúdú agus a thástáil

5.4.1. Ba cheart go ndéanfaí gach fearas nó feisteas ar leith a scrúdú agus tástálacha iomchuí a leagan amach sa chaighdeán/sna caighdeáin chomhchuibhithe ábhartha agus/nó sna sonraíochtaí teicniúla, nó tástálacha comhionanna, a chur i gcrích d'fhonn a fhíorú go bhfuiltear i gcomhréir leis an gcineál formheasta a thuairiscítear sa deimhniú ar scrúdú cineáil an AE agus le ceanglais iomchuí an Rialacháin seo.

In éagmais a leithéid de chaighdeán comhchuibhithe, cinntídh an comhlacht lena mbaineann dtugtar fógra na tástálacha iomchuí a bheidh le chur i gcrích.

5.4.2. Déanfaidh an comhlacht dá dtugtar fógra deimhniú comhréireachta a eisiúint i leith na scrúduithe agus na dtástálacha a cuireadh i gcrích, agus greamóidh sé a uimhir aitheantais le gach fearas nó feisteas formheasta, nó eagróidh sé an greamú faoina fhreagracht.

Coinneoidh an monaróir na deimhnithe comhréireachta ar fáil lena n-íniúchadh ag na húdaráis náisiúnta ar feadh 10 mbliana tar éis an fearas nó an feisteas a chur ar an margadh.

5.5. Fíorú staidrimh comhréireachta

5.5.1. Déanfaidh an monaróir gach beart is gá ionas go n-áiritheoidh an próiseas monaraíochta agus an faireachán air aonchineálacht gach luchtóige a tháirgtear, agus tíolacfaidh sé a chuid fearas nó feisteas lena bhfíorú i bhfoirm luchtóg aonchineálach.

5.5.2. Tógfar sampla randamach ó gach luchtóg de réir cheanglais an Rialacháin seo. Ba cheart go ndéanfaí gach fearas nó feisteas ar leith i sampla a scrúdú agus tástálacha iomchuí a leagan amach sa chaighdeán/sna caighdeáin chomhchuibhithe ábhartha agus/nó sna sonraíochtaí teicniúla, nó tástálacha comhionanna, a chur i gcrích d'fhonn a gcomhréireacht le ceanglais infheidhme an Rialacháin seo a áirithiú agus lena chinneadh cibé an nglacfar nó an ndiúltofar leis an luchtóg. In éagmais a leithéid de chaighdeán comhchuibhithe, cinntídh an comhlacht lena mbaineann dtugtar fógra na tástálacha iomchuí a bheidh le chur i gcrích.

5.5.3. Má ghlactar le luchtóg, measfar gur formheasadh gach fearas nó feisteas de chuid na luchtóige, ach amháin i gcás na bhfearas nó na bhfeisteas as an sampla nár shásaigh na tástálacha.

Déanfaidh an comhlacht dá dtugtar fógra deimhniú comhréireachta a eisiúint i leith na scrúduithe agus na dtástálacha a cuireadh i gcrích, agus greamóidh sé a uimhir aitheantais le gach fearas nó feisteas formheasta, nó eagróidh sé an greamú faoina fhreagracht.

Coinneoidh an monaróir na deimhnithe comhréireachta ar fáil do na húdaráis náisiúnta ar feadh 10 mbliana tar éis an fearas nó an feisteas a chur ar an margadh.

5.5.4. Má dhiúltaítear do luchtóg, déanfar an comhlacht dá dtugtar fógra nó an t-údarás inniúil na bearta iomchuí chun cosc a chur leis an luchtóg sin a chur ar an margadh. Má dhiúltaítear

do luchtóga go minic, féadfaidh an comhlacht dá dtugtar fógra an fíorú staidrimh a chur ar fionraí agus bearta cuí a dhéanamh.

5.6. An comhartha CE agus dearbhú comhréireachta an AE

5.6.1. Greamóidh an monaróir an comhartha CE agus na hinscríbhinní dá bhforáiltear in Iarscríbhinn IV agus, faoi fhreagracht an chomhlachta dá dtugtar fógra dá dtagraítear i bpointe 5.3, uimhir aitheantais an chomhlachta sin, ar gach fearas ar leith atá i gcomhréir leis an gcineál formheasta a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

5.6.2. Déanfaidh an monaróir dearbhú comhréireachta an AE i scríbhinn do gach múnla fearais a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an fearas a chur ar an margadh. Aithneoidh dearbhú comhréireachta an AE múnla an fhearais dar tarraingíodh suas é.

Déanfar cóip de dhearbhu comhréireachta an AE a chur ar fáil do na húdaráis ábhartha arna iarraidh sin.

Má aontaíonn an comhlacht dá dtugtar fógra i bpointe 5.3, agus faoina fhreagracht siúd, féadfaidh an monaróir uimhir aitheantais an chomhlachta dá dtugtar fógra a ghreamú do na fearais freisin.

5.7. Deimhniú comhréireachta an fheistis

5.7.1. Greamóidh an monaróir na hinscríbhinní dá bhforáiltear i bpointe 3 d'Iarscríbhinn IV agus, faoi fhreagracht an chomhlachta dá dtugtar fógra dá dtagraítear i bpointe 5.3, uimhir aitheantais an chomhlachta sin ar gach fearas ar leith atá i gcomhréir leis an gcineál formheasta a thuairiscítear sa deimhniú ar scrúdú cineáil an AE agus a chomhlíonann ceanglais infheidhme an Rialacháin seo.

5.7.2. Déanfaidh an monaróir deimhniú comhréireachta an AE do gach múnla a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an feisteas a chur ar an margadh. Aithneoidh deimhniú comhréireachta an Fheistis múnla an fheistis dar tarraingíodh suas é agus beidh sé ag gabháil leis an bhfeisteas.

Má aontaíonn an comhlacht dá dtugtar fógra i bpointe 5.3, agus faoina fhreagracht siúd, féadfaidh an monaróir uimhir aitheantais an chomhlachta dá dtugtar fógra a ghreamú do na feistis freisin.

5.8. Má aontaíonn an comhlacht dá dtugtar fógra agus faoina fhreagracht siúd, féadfaidh an monaróir uimhir aitheantais an chomhlachta dá dtugtar fógra a ghreamú ar na fearais nó na feistis le linn an phróisis mhonaraíochta.

5.9. Ionadaí údaráithe

Féadfaidh a ionadaí údaráithe oibleagáidí an mhonaróra a chomhlíonadh, thar a cheann agus faoina fhreagracht, ar choinníoll go sonraítear sa sainordú iad. Ní fhéadfaidh ionadaí údaráithe oibleagáidí an mhonaróra atá leagtha amach i bpointí 5.2 agus 5.5.1 a chomhlíonadh.

6. MODÚL G: COMHRÉIREACHT ARNA BUNÚ AR FHÍORÚ AONAD

6.1. Comhréireacht arna bunú ar fhíorú fearas nó feisteas, sin an nós imeachta um measúnacht chomhréireachta ina gcomhlíonann an monaróir na hoibleagáidí a leagtar síos i bpointí 6.2, 6.3 agus 6.5, agus ina n-áirithíonn sé agus a fhógraíonn sé ar a fhreagracht féin amháin go bhfuil an fearas lena mbaineann, a bhí faoi réir fhorálacha phointe 6.4, i gcomhréir le ceanglais an Rialacháin sin a bhaineann leis.

6.2. Doiciméadacht theicniúil

Bunóidh an monaróir an doiciméadacht theicniúil agus cuirfidh sé ar fáil don chomhlacht dá dtugtar fógra dá dtagraítear i bpointe 6.4 é. Fágfaidh an doiciméadacht go bhféadfar measúnú a dhéanamh ar chomhréireacht an fhearais leis na ceanglais ábhartha, agus beidh ann anailís agus measúnú leordhóthanach ar an riosca (na rioscaí). Sonróidh an doiciméadacht theicniúil na ceanglais agus an cumhdach is infheidhme, chomh fada agus is ábhartha do mheasúnú, dearadh, monaraíocht agus oibriú an fhearais.

6.2.1. Beidh sa doiciméadacht theicniúil, más infheidhme, na heilimintí seo a leanas ar a laghad:

- (a) cur síos ginearálta ar an bhfearas;
- (b) dearadh coincheapúil agus líníochtaí agus scéimeanna monaraíochta na gcomhpháirteanna, na bhfo-chóimeálacha, na gciordad, etc.;
- (c) an cur síos agus na mínithe is gá do thuiscint ar na líníochtaí agus na scéimeanna sin agus ar oibriú an fhearais;
- (d) liosta de na caighdeáin chomhchuibhithe agus/nó na sonraíochtaí teicniúla ábhartha eile ar foilsíodh a gcuid tagairtí in *Iris Oifigiúil an Aontais Eorpaigh*, atá i bhfeidhm go hiomlán nó go páirteach, agus cur síos ar na réitigh arna nglacadh chun freastal ar cheanglais riachtanacha an Rialachán seo i gcás nár cuireadh na caighdeáin chomhchuibhithe i bhfeidhm. I gcás caighdeáin chomhchuibhithe a bheith i bhfeidhm go páirteach, sonróidh an doiciméadacht theicniúil na codanna a cuireadh i bhfeidhm;
- (e) torthaí na ríomhaireachtaí a rinneadh, scrúduithe a rinneadh, etc.;
- (f) tuarascálacha tástála;
- (g) lámhleabhair don suiteáil agus don úsáid.

6.2.2. I gcás inarb iomchuí, beidh sa doiciméadacht um dhearadh na heilimintí a leanas:

- (a) an deimhniú comhréireachta a bhaineann leis na feistis atá arna gcur isteach san fhearas;
- (b) fianuithe agus deimhnithe a bhaineann le modhanna monaraíochta agus cigireacht agus faireachán a dhéanamh ar an bhfearas;
- (c) aon doiciméad eile a fhágann go bhféadfadh an comhlacht dá dtugtar fógra a mheasúnú a fheabhsú.

Coimeádfaidh monaróirí an doiciméadacht theicniúil ar fáil do na húdaráis ábhartha náisiúnta ar feadh tréimhse 10 mbliana tar éis an fearas a chur ar an margadh.

6.3. Monaraíocht

Déanfaidh an monaróir gach beart is gá ionas go n-áiritheoidh an próiseas monaraíochta agus a fhaireachán comhréireacht na bhfearas monaraithe le ceanglais infheidhme an Rialacháin seo.

6.4. Fíorú

Comhlacht dá dtugtar fógra agus atá roghnaithe ag an monaróir, cuirfidh sé i gcrích scrúduithe agus tástálacha cuí, atá leagtha amach sna caighdeáin chomhchuibhithe ábhartha agus/nó sonraíochtaí teicniúla, nó tástálacha coibhéiseacha, lena sheiceáil an gcomhlíonann an fearas ceanglais infheidhme an Rialacháin seo, nó eagróidh sé go gcuirfear i gcrích iad. In éagmais a

leithéid de chaighdeán comhchuibhithe, agus/nó sonraíocht theicniúil, cinnfidh an comhlacht lena mbaineann dá dtugtar fógra na tástálacha iomchuí a bheidh le cur i gcrích.

Má mheasann an comhlacht dá dtugtar fógra gur gá sin, féadfar na scrúduithe agus na tástálacha a chur i gcrích tar éis an fearas a shuiteáil.

Déanfaidh an comhlacht dá dtugtar fógra deimhniú comhréireachta a eisiúint i leith na scrúduithe agus na dtástálacha a cuireadh i gcrích, agus greamóidh sé a uimhir aitheantais don fhearas atá formheasta, nó eagróidh sé an greamú faoina fhreagracht.

Coinneoidh an monaróir na deimhnithe comhréireachta ar fáil do na húdaráis náisiúnta ar feadh 10 mbliana tar éis an fearas a chur ar an margadh.

6.5. An comhartha CE agus dearbhú comhréireachta an AE

6.5.1. Greamóidh an monaróir an comhartha CE agus na hinscríbhinní dá bhforáiltear in Iarscríbhinn IV agus, faoi fhreagracht an chomhlachta dá dtugtar fógra dá dtagraítear i bpointe 6.4, uimhir aitheantais an chomhlachta sin ar gach fearas a shásaíonn ceanglais infheidhme an Rialacháin seo.

6.5.2. Déanfaidh an monaróir dearbhú comhréireachta an AE i scríbhinn a tharraingt suas agus é a choimeád ar fáil do na húdaráis náisiúnta ar feadh 10 mbliana tar éis an fearas a chur ar an margadh. Aithneoidh dearbhú comhréireachta an AE an fearas dar tarraingíodh suas é.

Déanfar cóip de dhearbhu comhréireachta an AE a chur ar fáil do na húdaráis ábhartha arna iarraidh sin.

6.6. Ionadaí údaráithe

Féadfaidh a ionadaí údaráithe oibleagáidí an mhonaróra atá leagtha amach i bpointe 6.2 agus 6.5 a chomhlíonadh, thar a cheann agus faoina fhreagracht, ar choinníoll go sonraítear sa sainordú iad.

IARSCRÍBHINN IV

AN COMHARTHA CE AGUS INSCRÍBHINNÍ

- (1) Beidh ar an bhfearas nó ar a phláta sonraí an comhartha CE dá bhforáiltear in Iarscríbhinn II a ghabhann le Rialachán (CE) Uimh. 765/2008 arna leanúint ag uimhir aitheantais an chomhlachta dá dtugtar fógra agus atá bainteach leis an gcéim um rialú táirgeachta agus an dá dhigit dheireanacha den bhliain inar greamaíodh an comhartha CE.
- (2) Beidh ar an bhfearas nó ar a phláta sonraí an fhaisnéis seo a leanas:
 - (a) Ainm an mhonaróra ainm, a thrádainm cláraithe, trádmharc cláraithe nó siombail aitheantais.
 - (b) Cineál, baiscuimhir nó uimhir sraithe an fhearaís, nó eilimint eile lena bhféadfar é a shainaithint.
 - (c) An cineál soláthair leictreachais a úsáideadh, i gcás inarb infheidhme.
 - (d) Marc catagóir an fhearaís.
 - (e) Brú an tsoláthair gháis.
 - (f) An fhaisnéis is gá chun suiteáil cheart, shábháilte a áirithiú, de réir chineál an fhearaís.

- (3) Beidh ar an bhfeisteas nó ar a phláta sonraí, chomh fada agus is ábhartha, an fhaisnéis dá bhforáiltear i mír (2).

IARSCRÍBHINN V

DEARBHÚ COMHRÉIREACHTA AN AE

Sa dearbhú comhréireachta AE beidh an fhaisnéis seo a leanas:

- (a) Fearas/múnla fearais (táirge, baisce, uimhir cineáil nó sraithuimhir).
- (b) Ainm agus seoladh an mhonaróra agus, más infheidhme, ainm agus seoladh an ionadaí údaráithe;
- (c) Is faoi fhreagracht an mhonaróra amháin a eisítear an dearbhú comhréireachta seo.
- (d) Cuspóir an dearbhaithe (aitheantas an fhearais a áiríteoidh inrianaitheacht. D'fhéadfadh íomhá a bheith ann, nuair is gá sin chun an fearas a aithint):
 - (1) cur síos ar an bhfearas;
 - (2) an nós imeachta measúnaithe comhréireachta a leanadh;
 - (3) ainm agus seoladh an chomhlachta dá dtugtar fógra a rinne an measúnú comhréireachta;
 - (4) tagairt don deimhniú ar scrúdú cineáil an AE.
- (e) Tá cuspóir an dearbhaithe a thuairiscítear thuas i gcomhréir le reachtaíocht ábhartha an Aontais um chomhchuibhiú: (tagairt do ghníomhartha eile an Aontais a cuireadh i bhfeidhm):
- (f) Tagairtí do na caighdeáin chomhchuibhithe ábhartha a úsáideadh nó tagairtí do na sonraíochtaí a ndearbhaítear comhréireacht ina leith:
- (g) Chuir an comhlacht dá dtugtar fógra nó na comhlachtaí ... (ainm, seoladh, uimhir) ... (tuairisc ar an ngníomh) i gcrích ... agus d'eisigh sé an deimhniú (na deimhnithe): ...
- (h) Faisnéis bhreise:
Arna shíniú le haghaidh agus thar ceann:
(áit agus dáta eisiúna):
(ainm, feidhm)(síniú):

IARSCRÍBHINN VI

DEIMHNIÚ COMHRÉIREACHTA AN FHEISTIS

I ndeimhniú comhréireachta an fheistis beidh na heilimintí a leanas:

- (a) Feisteas/múnla feistis (táirge, baisce, uimhir cineáil nó sraithuimhir).
- (b) Ainm agus seoladh an mhonaróra agus, más infheidhme, ainm agus seoladh an ionadaí údaráithe;
- (c) Is faoi fhreagracht an mhonaróra feisteas amháin a eisítear deimhniú comhréireachta an fheistis seo.
- (d) Cuspóir an dearbhaithe (aitheantas an fheistis a cheadóidh inrianaitheacht). D'fhéadfadh íomhá a bheith ann, nuair is gá sin chun an feisteas a aithint):

- (1) cur síos agus tréithe an fheistis;
 - (2) an nós imeachta measúnaithe comhréireachta a leanadh;
 - (3) ainm agus seoladh an chomhlachta dá dtugtar fógra a rinne an measúnú comhréireachta;
 - (4) tagairt don deimhniú ar scrúdú cineáil an AE.
- (e) Tá cuspóir dheimhniú comhréireachta an fheistis ar a bhfuil tuairisc thuas i gcomhréir le Rialachán Maidir le fearais a dhónn breoslaí gásacha (tagairt don Rialachán seo):
- (f) Tagairtí do na caighdeáin chomhchuibhithe ábhartha a úsáideadh nó tagairtí do na sonraíochtaí a ndearbhaítear comhréireacht ina leith:
- (g) Chuir an comhlacht dá dtugtar fógra nó na comhlachtaí ... (ainm, seoladh, uimhir) ... (tuairisc ar an ngníomh) i gcrích ... agus d'eisigh sé an deimhniú (na deimhnithe): ...
- (h) Treoracha maidir leis an gcaoi ba cheart an feisteas a ionchorprú isteach i bhfearas nó a chóimeáil chun fearas den sórt sin a dhéanamh chun cabhrú le comhlíonadh na gceanglas riachtanach is infheidhme maidir le fearais chríochnaithe.
- (i) Faisnéis bhreise:
- Arna shíniú le haghaidh agus thar ceann:;
- (áit agus dáta eisiúna);
- (ainm, feidhm) agus síniú.

IARSCRÍBHINN VII

<i>AN TÁBLA COMHGHAOIL</i>	
Treoir 2009/142/CE	An Rialachán seo
Airteagal 1(1), an chéad fhomhír	Airteagal 1(1)
Airteagal 1(1), an dara fhomhír	Airteagal 1(3)(a)
Airteagal 1(2)	Airteagal 2(1), (2) agus (5)
Airteagal 1(3)	Airteagal 1(2)
—	Airteagal 2(3), (4), (6) go (31)
Airteagal 2(1)	Airteagal 3(1)
—	Airteagal 3(2)
Airteagal 2(2)	Airteagal 4(1)
—	Airteagal 4(2)

Airteagal 3	Airteagal 5
Airteagal 4	Airteagal 6
—	Airteagal 7
—	Airteagal 8
—	Airteagal 9
—	Airteagal 10
—	Airteagal 11
—	Airteagal 12
—	Airteagal 13
Airteagal 5(1)(a)	—
Airteagal 5(1)(b)	—
Airteagal 5(2)	—
Airteagal 6	—
Airteagal 7	—
Airteagal 8(1) go (4)	Airteagal 14(1) go (5)
Airteagal 8(5)	—
—	Airteagal 14(6)
Airteagal 8(6)	Airteagal 14(7)
—	Airteagal 15
—	Airteagal 16
—	Airteagal 17
Airteagal 9	—
Airteagal 10(1)	Airteagal 18(1)
Airteagal 10(2)	—
Airteagal 11	—
Airteagal 12	—
—	Airteagal 18(2) go (5)

—	Airteagal 19
—	Airteagal 20
—	Airteagal 21
—	Airteagal 22
—	Airteagal 23
—	Airteagal 24
—	Airteagal 25
—	Airteagal 26
—	Airteagal 27
—	Airteagal 28
—	Airteagal 29
—	Airteagal 30
—	Airteagal 31
—	Airteagal 32
—	Airteagal 33
—	Airteagal 34
—	Airteagal 35
—	Airteagal 36
—	Airteagal 37
—	Airteagal 38
—	Airteagal 39
—	Airteagal 40
Airteagal 13	—
Airteagal 14	—
Airteagal 15	—
Airteagal 16	—
—	Airteagal 41

Iarscríbhinn I	Iarscríbhinn I
—	Iarscríbhinn II
Iarscríbhinn II	Iarscríbhinn III
Iarscríbhinn III	Iarscríbhinn IV
Iarscríbhinn IV	—
Iarscríbhinn V	—
Iarscríbhinn VI	—
—	Iarscríbhinn V
—	Iarscríbhinn VI
—	Iarscríbhinn VII